



(F_TPS_55)
ORDENANZA FISCAL REGULADORA DA TAXA POLO
ABASTECIMENTO DE AUGA

HISTORIAL DE CAMBIOS

FECHA	Órgano	PUBLICACIÓN		
		Boletín	Nº	Fecha
19/09/1995	Pleno Corporación	BOP	230	06/10/1996
29/11/1995	Pleno Corporación	BOP	292	22/12/1995
03/11/2009	Pleno Corporación	BOP	293	23/12/2009
04/11/2010	Pleno Corporación	BOP	294	24/12/2010
07/11/2011	Pleno Corporación	BOP	297	29/12/2011
18/12/2017	Pleno Corporación	BOP	293	23/12/2017

SIMBOLOXÍA



No seu caso, as modificacións puntuais do texto da ordenanza sinalaránse con esta icona.



Os artigos e/ou parágrafos sinalados con esta icona foron modificados respecto da anterior versión da ordenanza.



Os artigos e/ou parágrafos sinalados con esta icona atópanse en revisión.



Facendo clic nesta icona, dispoñible ao pé de cada páxina desta ordenanza, volve ao INDICE do documento



✉ informatica@concellodemonforte.com 🌐 www.monfortedelemos.es 🌐 <https://sede.monfortedelemos.es>
Comuníquenos calquera incidencia que observe neste documento

INDICE

ARTIGO -1- NATURALEZA E FEITO IMPOÑIBLE	3
ARTIGO -2- SUXEITO PASIVO	3
ARTIGO -3- COTA TRIBUTARIA	3
A. Usos domésticos	3
B. Usos industriais	3
C. Usos especiais	3
D. Cota Xeral	3
E. Aboados sen contador ou con contador avariado	3
F. Por entronques e acometidas á rede municipal	3
G. Altas no servizo	3
H. Tarifa especial	3
ARTIGO -4- DEVINDICACIÓN DO IMPOSTO	3
ARTIGO -5- ALTA NO SERVIZO	4
ARTIGO -6- COBRO	4
ARTIGO -7- TOMAS DE AUGA	4
ARTIGO -8- DEBERES DOS ABOADOS	5
ARTIGO -9- CONEXIÓNS Á REDE	5
ARTIGO -10- INTERRUPCIÓNS DO SERVIZO	5
ARTIGO -11- COIDADADO DAS INSTALACIÓNS	5
ARTIGO -12- LECTURA DE CONTADORES	6
ARTIGO -13- IMPAGOS	6
DISPOSICIÓN FINAL	6

ARTIGO -1- NATURALEZA E FEITO IMPOÑIBLE

De conformidade có previsto no ARTIGO 117, en relación có ARTIGO 41 b), ambos da lei 39/1988, de 28 de decembro, Reguladora das Facendas Locais, este Concello establece a Taxa polo abastecemento de auga, que se rexerá pola presente Ordenanza.

ARTIGO -2- SUXEITO PASIVO

Están obrigados ó pago da taxa regulada nesta Ordenanza quen se beneficien dos servizos ou actividades, prestados ou realizados por este Concello, a que se refire o ARTIGO anterior.

ARTIGO -3- COTA TRIBUTARIA

A contía do prezo público regulado nesta Ordenanza está fixado na tarifa seguinte:

A. Usos domésticos

A.1.- Consumos entre 0 e 10 m ³ ó bimestre, mínimo tarifado	o m ³ a 0,1756 €
A.2.- Consumos entre 11 e 25 m ³ ó bimestre	o m ³ a 0,2810 €
A.3.- Consumos entre 26 e 50 m ³ ó bimestre	o m ³ a 0,4917 €
A.4.- Consumos de máis de 50 m ³ ó bimestre	o m ³ a 0,7025 €

B. Usos industriais

B.1.- Consumos entre 0 e 10 m ³ ó bimestre, mínimo tarifado	o m ³ a 0,1405€
B.2.-Consumos entre 11 e 80 m ³ ó bimestre	o m ³ a 0,3161 €
B.3.- Consumo entre 81 e 150 m ³ ó bimestre	o m ³ a 0,7727 €
B.4.- Consumos entre 151 e 300 m ³ ó bimestre	o m ³ a 1,0537 €
B.5.- Consumos de máis de 300 m ³ ó bimestre	o m ³ a 1,6508 €

C. Usos especiais

Os consumos que efectúen os Centros de Ensinanza Oficial, Centros de Ensinanza Privada Concertados, Hospital Comarcal e industriais establecidas no Polígono do Reboredo, pagarán os metros cúbicos que consuman bimestralmente ó prezo de 0,3513 € / m³

D. Cota Xeral

Todos os aboados pagarán, con independencia do consumo, a cantidade de: 1,74 € / bimestre

Os aboados que figuren no apartado H), tarifa especial, non aboarán cota xeral.

E. Aboados sen contador ou con contador avariado

Para os aboados de usos domésticos, ó bimestre: 105,37 €

Para os aboados de usos industriais e especiais pagarán ó bimestre: 526,85 €

F. Por entronques e acometidas á rede municipal

Por cada vivenda: 21,07 €

Por cada local de negocio: 28,10 €

G. Altas no servizo

Por cada alta que se formalice, pagarase a cantidade de: 7,02 €

Por depósito, para responder de impagados, soamente para aboados que non sexan propietarios da vivenda ou local de negocio: 42,15 €

H. Tarifa especial

Contribuíntes beneficiarios da Renda de Inserción Social de Galicia (RISGA). Para gozar desta exención o interesado deberá solicitala previamente, acreditar o cumprimento das condicións que motivan o seu outorgamento e a solicitude deberá ser informada polos Servizos Sociais do Concello.

A exención quedará sen efecto cando desaparezan as circunstancias persoais que a motivaron. Pagarán, nos usos domésticos, nos consumos entre 0 e 10 m³, ó bimestre, mínimo tarifado, o m³ a 0,0422 €. Considérase consumo mínimo a cota xeral para todos os aboados e consumo entre 0 e 10 metros cúbicos.

As facturacións bimestrais nos usos domésticos, industriais e tarifa especial efectuaranse aplicando ó consumo de cada tramo o importe do metro cúbico consignado para o mesmo.

ARTIGO -4- DEVINDICACIÓN DO IMPOSTO

1. A obriga de pago da taxa regulada nesta Ordenanza nace dende que se inicie a prestación do servizo e a súa facturación e o cobro realizarase con periodicidade bimestral.
2. O pago de dita taxa efectuarase no momento que o Concello sinala o prazo de cobranza polos medios que considere máis oportunos.
3. As débedas por esta taxa poderán esixirse polo procedemento administrativo de apremio, de acordo có Regulamento Xeral de Recadación.

ARTIGO -5- ALTA NO SERVIZO

Non se concederá alta no servizo a aboados que se trasladen de domicilio e non estean ó corrente no pago da auga que consumiran no domicilio anterior.

ARTIGO -6- COBRO

1. O cobro farase mediante domiciliación en entidades bancarias, debendo os contribuíntes domiciliar o pago dos seus recibos nas mesmas, sen prexuízo de que o Concello estableza outra modalidade.
2. Transcorridos os prazos que estableza o Concello para o pago dos recibos, este poderá suspender o abastecemento da auga ó aboadado que non aboara aos mesmos e retirarlle definitivamente o servizo, dándoo de baixa no mesmo por falta de pago.
3. No caso de traslado de domicilio dun aboadado este seguirá sendo responsable do importe facturado polo consumo de auga na vivenda que deixou, se non se deu de baixa no servizo coa antelación suficiente.

ARTIGO -7- TOMAS DE AUGA

1. Cada toma de auga ou acometida servirá soamente para a finca que foi solicitada, sen que se permita esténdela a varias, aínda cando estivesen contiguas, pertencentes ó mesmo propietario.
2. Se por venta ou outras causas se dividise a propiedade, os novos propietarios están obrigados a efectuar unha toma de auga independente para cada un.
3. As instalacións interiores das fincas efectuaranse por un instalador debidamente autorizado pola Consellería de Industria, debendo presentar no momento de formalizar o contrato de alta no servizo o boletín de instalacións de auga correspondente.

4. O Concello poderá esixir a colocación do contador da auga nun lugar visible e debidamente acondicionado.

ARTIGO -8- DEBERES DOS ABOADOS

1. O propietario da finca ou o aboado ó servizo de auga será responsable do coidado e conservación das chaves de paso exteriores e interiores e moi especialmente dos contadores de auga.

Comprobada a negligencia no cumprimento destas normas o Concello poderá suspender o abastecemento de auga en tanto non se efectúen as correspondentes rectificacións.

2. Todo aboado ao servizo queda obrigado a permitir que, en calquera hora hábil do día, sexa inspeccionada a súa instalación polos empregados municipais encargados deste servizo, sen que poida opoñer ningún obstáculo a cantas comprobacións se realicen.

A negativa dos aboados a permitir estas comprobacións será motivo suficiente para retirarlle o subministro da auga e causar baixa no servizo, sen ter dereito a reclamación algunha.

3. O Concello reservarase a facultade de non autorizar e efectuar a conexión no servizo a aquelas instalacións que, a xuízo dos responsábeis do servizo, non reúnan as condicións regulamentarias.
4. O Concello reservase o dereito de comprobar, cando o estime conveniente ou considere necesario, o funcionamento de todo aparello contador cuxo funcionamento se estimase dubidoso.

ARTIGO -9- CONEXIÓNS Á REDE

1. As conexións dos contadores de auga as efectuaraas ó persoal do servizo.
2. Os precintos colocados nos contadores da auga non poderán ser alterados baixo ningún pretexto polos aboados; de observarse algunha alteración nos mesmos considerarase responsable ó aboado, podendo o Concello, neste caso, suspender o subministro de auga, dando de baixa ao aboado responsable da alteración no precinto.
3. No suposto da paralización dun contador ou o mesmo estea nun estado que non poida comprobarse a medición rexistrada, a liquidación polo abastecemento efectuarase de acordo cós importes consignados no apartado E), de aboados sen contador ou con contador avariado.
4. Ninguén poderá utilizar a auga sen antes facer subscrito o correspondente contrato de aboado ó servizo. Estas infraccións serán cualificadas e sancionadas conforme ó previsto na lexislación vixente en materia de taxas

ARTIGO -10- INTERRUPCIÓNS DO SERVIZO

1. O Concello non se fará responsable das interrupcións involuntarias no servizo de abastecemento de auga, ou cando fose necesario suspender ó mesmo por causa de execución de obras ou reparacións na rede xeral de distribución, podendo, por estes motivos, cortar o abastecemento ós aboados sen que estes teñan dereito a reclamación algunha por estes feitos.
2. Os aboados non terán dereito a indemnización algunha cando se interrompa o servizo como consecuencia da escaseza no abastecemento, por motivo de seca ou calquera outra causa de forza maior.
3. Na época de estío, en que puidera ser necesaria a restrición no consumo, efectuarase esta restrición polos aboados con uso industrial.

ARTIGO -11- COIDADO DAS INSTALACIÓNS

Os danos e prexuízos que se ocasionen a terceiros por culpa dos aboados, xa sexa por negligencia ou abandono do coidado que debiera ter a instalación da auga, será por conta dos mesmos.

ARTIGO -12- LECTURA DE CONTADORES

1. O Concello poderá implantar a lectura anual dos contadores, por necesidades do servizo, mediante acordo da Comisión do Goberno.
2. As liquidacións ou facturacións das diferenzas resultantes sobre os mínimos previstos na Ordenanza, ou das facturacións medias de consumos anteriores, efectuaranse aos aboados correspondentes nos recibos dos tres bimestres seguintes á aprobación da implantación desta modalidade.

ARTIGO -13- IMPAGOS

No caso de impago por parte dos aboados ó servizo que non sexan propietarios das vivendas, locais de negocio ou industriais, das facturacións practicadas, será responsable en todo caso, o propietario do negocio ou industria, non podendo formalizarse novo contrato de abono ó servizo para ditas vivendas, locais de negocio ou industrias, sen antes aboar a totalidade das liquidacións pendentes de pago.

DISPOSICIÓN FINAL

A presente Ordenanza entrará en vigor unha vez publicada no Boletín Oficial da Provincia e transcorrido o prazo a que se refire o ARTIGO 70.2 en relación có 65.2 da Lei 7/1985, de 2 de abril, das Bases do Réxime Local, e comezará a aplicarse a partir do día primeiro de xaneiro de mil novecentos noventa e seis.

Aprobación inicial: acordo do Pleno de 19 de setembro de 1.995. Publicación aprobación inicial: Boletín Oficial da Provincia número 230, de 6 de outubro de 1.996.

Aprobación definitiva: acordo do Pleno de 29 de novembro de 1.995. Publicación aprobación definitiva: Boletín Oficial da Provincia número 292, de data 22 de decembro de 1.995.


Modificada provisionalmente polo Pleno do 3 de novembro de 2009 e publicada no BOP da provincia de Lugo núm. 293 do día 23 de decembro de 2009.

Modificada provisionalmente polo Pleno de 4 de novembro de 2010 e publicada no BOP da provincia de Lugo núm. 294 do día 24 de decembro de 2010.

Modificada provisionalmente polo Pleno do 7 de novembro de 2011 e publicada no BOP da provincia de Lugo núm. 297 do día 29 de decembro de 2011.

Modificada provisionalmente polo Pleno do 23 de outubro de 2017, definitivamente polo Pleno de 18 de decembro de 2017 e publicada no BOP da provincia de Lugo núm. 293 do día 23 de decembro de 2017.

Monforte de Lemos, febreiro de 2018



O Alcalde, José Tomé Roca